

'Pengaruh Ku Li masih kuat di Galas'
Malaysiakini.com
November 02, 2010

PAS mengakui bahawa pengaruh ahli parlimen Gua Musang Tengku Razaleigh Hamzah masih kuat, namun keadaan itu mungkin telah banyak berubah berbanding 30 tahun lalu.

Keadaan ini mungkin akan menyebabkan Tengku Razaleigh mengambil pendekatan "underground" bagi mengekalkan pengaruhnya, kata pengarah pilihan raya PAS Datuk Abdul Halim Abdul Rahman.

"Kita tahu dia ada orang yang bekerja dengan dia. Kita kenal orang ini dan dia ada lagi sepuluh orang yang bekerja dengan dia, mereka bekerja secara menyusup.

"Mereka bergerak dari rumah ke rumah," katanya dalam sidang media di markas PAS di Gua Musang hari ini.

Ketika diminta menjelaskan aktiviti "penyusupan" itu, Abdul Halim berkata: "Bagi pitih lah" sambil menunjukkan isyarat wang dengan tangannya.

"Ini kita akui, ini yang kita hadapi bila kita bersemuka dengan Ku Li," katanya lagi.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/147098>